



Andreas Uldum
Inatsisartut
Postboks 1060
3900 Nuuk

Allakkani septembarip 13-iani 2012-meersuni Inatsisartut suleriaasianni § 37 naapertorlugu apeqqutinut akissut

25. september 2012
Sagsnr. 2012-073629
Dok. Nr. 1019711

Allakkani septembarip 13-ani 2012-meersuni Inatsisartut suleriaasianni § 37 naapertorlugu apeqqutit tallimat ataaniittut puiaasanik atoqqitassanik utertitsisarnermik aaqqissuussineq pillugu misissueqqissaarnermut tunngasut apeqqutigineqartut matumuuna akissutiteqarfigineqarput.

Postboks 1614
3900 Nuuk
Tlf. (+299) 34 50 00
Fax (+299) 32 52 86
E-mail: nnpan@nanoq.gl
www.nanoq.gl

1) Misissuinerup inerneru Naalakkersuisunut ulloq suna tunniunneqarpa?

Attassisinnaanerup ingerlarnganik nalilersuinerup, allakkani innersuussutigineqartoq, naammassineqareerpoq, kisianni inuiaqatigiit aningaasaqarnerannut tunngasoq misissueqqissaarnerup suli naammassineqanngilaq. Taamaammat puiaasanik atoqqitassanik utertitsisarnermik aaqqissuussineq pillugu attassisinnaanerup ingerlarnganik nalilersuineq aamma inuiaqatigiit aningaasaqarnerannut misissueqqissaarnerup suli Naalakkersuisunut tunniunneqanngilaq.

2) Misissuinerup imaa Naalakkersuisut qanga oqallisigaat aamma misissuineq tunngavigalugu suut aallartinniarlugit Naalakkersuisut aalajangerpat?

Apeqqummi 1-imi akissutigineqartoq innersuussutigineqarpoq.

3) Pisortatigoortumik arlaannik aporfissaqarpat pisariaqanngitsumik kinguarsaqqaarani misissuinerup Inatsisartunut agguanneqarnissaanut apeqqutinnut akissutit ilanngullugit?

Nalunaarusiat suli Naalakkersuisunut tunniunneqanngillat. Naalakkersuisut aalajangiisinnaapput nalunaarusiat Inatsisartunut tunniunneqarnissaat pillugu, suliassap sularineqarneranut atasumik.

4) Naalakkersuisut Nuuk lmeq isumaqatigaat, oqarmata Namminersorlutik Oqartussat misissuinerisa ersarissumik takutikkaa, Namminersorlutik Oqartussat misissuititsinerani ersarissumik paasineqarpoq, immiaaqqanik sodavandinillu puujaasaaqqaniittunik qillertuusaniittunillu eqqussuinermut naleqqiullugu kalaallit nunaanni immiaaqqat puujaasaaqqallu puuannik utertitsisarnermik avatangiisinut annertuumik iluaqutaasoq?

Puiaasanik atoqqitassanik utertitsisarnermik aaqqissuussineq pillugu attassisinnaanerup ingerlarnganik nalilersuineq aamma inuiaqatigiit aningaasaqarnerat pillugu misissueqqissaarneq Naalakkersuisuni sulii suliarineqanngimmata, apeqqut massakut akineqarsinnaanngilaq.

5) Naalakkersuisut suliamut tunngasunik allanik attuumassuteqartunik nalunaarutissaqarpat?

Suliassaq puiaasanik atoqqitassanik utertitsisarnermik aaqqissuussineq pillugu Attassisinnaanerup ingerlarnganik nalilersuineq aamma puiaasanik atoqqitassanik utertitsisarnermik aaqqissuussinermut atatillugu inuiaqatigiit aningaasaqarnerat pillugu misissueqqissaarneq ataatsimut pigineqalerpata ukup matuma naanginnerani Naalakkersuisunut saqqummiunneqarumaarput.

Inussiarnersumik inuulluaqquusillunga

Anthon Frederiksen